



UPA 2017/64
Nuuk, 16.05.2017
Mimi Karlsen

Qitornavut pitsaasumik inuiaqatigiinni innuttaaqataalernissaasa pingaarutegarnerat pillugu perorsaalernissarput qanoq oqallisiginerulersinnaaneripput pillugu apeqquteqaat allaavigalugu oqallinnissamik siunnersuut.

(Inatsisartunut ilaasortaq Nivi Olsen, Demokraatit)

Siullermik oqaalisissiiisoq Nivi Olsen, Demokraatit qutsavigiumavarput oqallisissiaanut pingaarutilimmut.

Oqallisissiami qulequtarineqartoq, pitsaasumik innuttaaqataaneq suunersoq assigiingitsutigut nalilersinnaassavarput. Inuit Ataqatigiinni isumaqarpugut kinaluunniit innuttaaqataasoq innuttaaqataasoq. Innuttaaqataasoq pitsaasoq tassaavoq inuk inoqatiminik isumassuilluni, ataqqinnilluni inooqataasoq. Imminut, ilaqtaminut nunaqqatiminullu annertoqqutaalluni inooqataasoq. Upperarput inuk tunngaviusumik pitsaasuusoq, inoqatiminilli qanoq pineqarnini allaavigalugu pitsaanngitsumik pilersinnaasoq. Taamaammat inuit tunngaviusumik sapinngisartik tamaat pitsaasumik innuttaaqataaniartartut upperivara.

Qitornavut qanoq perorsassanerigut eqqartussagutsigu isumaqarpugut oqaatigisariaqartoq Inuit tamarmik qanoq perorsaanissaminnik kiffaanngissuseqartut eqqaamassallugu. Kialuunniit qitornami qanoq perorsarnissaat kiffaanngissuseqarfigivaa. Qitornarisaq savaatileeqqatut, piniartutut, aalisartutut imaluunniit nalunaajaasutut perorsarusukkunikku kiffaanngissuseqarpugut Inuillu perorsaanerminni Inuit tamarmik qanoq upperisaqassanerlutik sumillu politikkimik ingerlatsiumanissaminnik kiffaanngissuseqarfigisaanni nunaqarpugut.

Inuttut perorsaanermi kiffaanngissuseqarneq inuiaqatigiinni erlinnartutut, eria-gisariaqartutut pingaarnerpaatittuassavarput, innarlertsaalillugulu.

Politikeritut perorsariaatsimik ataatsimik innersuussissalluta pisussaangilagut. Pisussaavugulli ilaqtariit pitsaasumik inuuneqarnissaannik periarfissaqar-titsinissamik, suliffeqarfissamik, toqqissumik ilaqtariittut inuusinnaanissamik periarfissiissalluta pisussaaffigaarput.

Ileqqorissaarnermik ujartuilluta oqallisissagutta isumaqarpunga pingaaruteqar-luinnartoq naqissusissallugu inuttut qanoq inooqatigiinnerput aallaavigissal-lugu. Aallaaviusussallu pingaarluinnartut tassaapput: inoqatinnut ataqqinnin-

neq, inoqatinut isumassuisinnaaneq, namminerlu inooqataalluarneq. Taakku pingaartitatut aallaavigigaanni perorsaanerme inooqataalluarnermut tunngaviliissaagut. Ingammillu inuk kinaluunniit ataqqinninnermik aallaavilimmik pissallugu pingaartikkutsigu.

Ukiualunnguit matuma siornatigut meeqqat susassaqanngitsutut, isumaqanngitsutut nunatsinni isigineqartarput. Oqaatsit makku atorineqartarlutik: meeqqat tamakku susassarinnigilaat, meeqqaat qarngi nalupput, meeraavutit akiuinak allarpassuillu. Inuk – meeraq taama pisaq ataqqineqarpa- naamik. Taamaalillutik meerarpassuit isummersinnaasutut ataqqineqaratik peroriartornikkuupput.

Ukiulli kingilliit meeqqat pisinnaatitaaffii pileratsigit meeraq aamma isummersinnaasutut, oqaaseqarsinnaasutut isigilerparput. Tamannalu pitsaasumik ineriartortittariaqarparput.

Oqallisissialiortup tikippaa perorsaansitsinni meeqqaat qanoq pissuserissaarnisaat, ileqqorissaarnissaallu oqallisiginerulersinnaaneripput.

Ulluinnarni pissusilersorneq aallaaveqartariaqarpoq inoqatitsinnut mamiatsannangitsumik ataqqinnippasissumillu inooqatigiissinnaanermik pilersitsisussaq. Pissuserissaarnerlu meeqqap pissuserissaarfigineqartup ilikkartarppaa, meerarlu qanilaartumik pisaq ikinngutinnersunngortarpoq.

Meeraq nersualaarneqartartoq nuannersumik takunnissinnaanngortarpoq. Meeraq kaammattortuartaqarpoq ilitsersorneqarlunilu inoqatiminut qanoq pissusilersoruni akuerineqarnerullunilu ilakkuminarineqarnerussasoq. Kinaluunniimmi pitsaanngitsumik saaffigineqartoq aamma taama akissaaq.

Meeqqat mikineriniit ileqqorissaarnernik makkuninnga ilinniartinneqarsinnaavoq, oqaatsinik pitsaasaarutinik ilinniartillugu, soorlu: una qaalaaruk, illikalaarit, Ilinniartinneqarsinnaavoq ajoqusiisorpat utoqaatsernissaanik. Alla inissaaruppat inissamik neqeroornissaanik. Alla illersortariaqarpat illersuinissaanik. Matu isilersumut tulliuuttumut ammatiinnarlugu....allarpassuillu.

Meeqgerivinni, atuarfinni, sunngiffimmi, ilami sumiluunnit pingaartitatut naleqartitatullu inissinneqartariaqarpoq kinaluunniit piumaffigissallugu inoqatinut pitsaasaarnermik.

Oqallineq perorsaaneq pillugu sumiluunniit inissaqartinneqartariaqarpoq. Kinaluunniit inoqatiminut piumasaqarsinnaavoq pitsaasumik pissusilersorfigineqarumalluni.

Akuersaaruminaalluinnarpoq meerartatta kimulluulliinnit sorraatsumik oqalullutillu pissusilersortarnerat. Killissamik ilinniartitsisoqartariaqarpoq piumasaqartoqartariaqarlunilu.

Meeqgeriviit, atuarfiit, ilinniarfiit suliffeqarfiilluunniit akuersaanngisaannassaavaat sorraatsumik oqalunneq pissusilersornerluunniit. Taakkunani ersarissumik pissusilersornermut politikkeqartariaqarpoq, unioqqutippat iliuseqartoqarsinnaanngorlugu.

Sumiluunniit, sukkulluunniit imitsinnut pissuserissaarnissarput anguniaruartariaqarparput.

Pissuserissaarneq naleqartitatut pingaarnersatut nittarsaattuartaqarput.